

# Mahasiswa miliki nilai tambah pilihan majikan



[FOTO HIASAN]

**Pembabitan mahasiswa tempatan** dalam pelbagai bidang secara aktif mampu melonjak kemahiran mereka pada peringkat antarabangsa.

**Oleh Faizatul Farhana Farush Khan**  
ffarhana@bh.com.my

► Kuala Lumpur

**S**enario pasaran kerja kini memerlukan graduan yang bukan sahaja memiliki akademik bagus, malah kemahiran tambahan dan sahsiah diri cemerlang," kata Timbalan Naib Canselor (Hal Ehwal Pelajar dan Alumni) Universiti Putra Malaysia (UPM), Prof Datuk

Dr Mohammad Shatar Sabran.

Beliau berkata, menyedari tuntutan majikan itu, UPM gigih 'membekalkan' nilai tambah bernilai tinggi kepada setiap mahasiswanya yang merangkumi semua bidang kemahiran didambakan.

Katanya, antara bidang kemahiran itu yang diperkasa dalam diri mahasiswa ialah penyelidikan, kebudayaan, sukan, kepimpinan dan pengucapan awam yang membabitkan penyertaan mereka sehingga ke

peringkat antarabangsa.

"UPM melaksanakan proses pembentukan kemahiran dan pengasahan bakat kepada mahasiswa kami ini melalui entiti yang ada, termasuk kolej, fakulti serta pusat pembangunan.

#### Bina kemahiran diri

"Entiti ini berperanan menyusun segala aktiviti atau program berpotensi tinggi yang memiliki nilai tambah kepada diri mahasiswa," katanya ketika dihubungi Varsiti. Mohammad Shatar berkata,

setiap mahasiswa diasuh dan dididik melalui aktiviti mengikut bidang diminati, selain berpeluang mengengrahkan bakat pada pertandingan peringkat universiti.

Beliau berkata, platform disediakan ini akan menjadi pemangkin kepada mahasiswa untuk memantapkan kemahiran diri, sebelum bersaing di luar kampus dan peringkat antarabangsa.

Bagi mengembangkan usaha, katanya, UPM melalui bahagian Hal Ehwal Pelajar dan Alumni sentiasa memberikan sokongan, sama

ada kewangan, moral maupun infrastruktur.

"Mahasiswa bernali tambah ini akan lebih istimewa pada mata bakal majikan kerana memiliki kemahiran ekstra selain keputusan akademik cemerlang dan mudah diterima bekerja.

"Universiti turut mendapat impak positif daripada kelahiran lebih ramai mahasiswa berkemahiran tinggi, termasuk berada di tempat yang baik di kedudukan universiti dunia, malah mempromosi nama ke peringkat antarabangsa," katanya.

info

**Antara Pencapaian Mahasiswa Membabitkan Bidang Berbeza UPM**

- Mewakili Malaysia ke Festival Kebudayaan dan Kesenian Antarabangsa 2016 di Thailand (bidang kebudayaan)
- Anugerah Foto Terbaik di Asia-Pacific Forest Week 2016 di Filipina (bidang kesenian)
- Juara Pesta Pantun Singapura 2016 di Singapura (bidang pengucapan awam)